



Claudii Fleurii Abbatis Historia Ecclesiastica

Ab anno Christi 1541. usque ad annum 1546

Fleury, Claude

August. Vind. [u.a.], 1770

VD18 90118510

§. 94. Synodi initium per Papæ Deputatos Cæsari propositum.

[urn:nbn:de:hbz:466:1-66615](#)

Ceterum exeunte mense Mayo præter quinque supremos Ordinum Generales, u- numque Rotæ Auditorem jamjam Tri- denti convenerant triginta Episcopi, qui avide Synodum inchoari præstolabantur, & vix non redire erant parati, nisi a Legatis fuissent detenti, facta eisdem pollicitatione, quod Concilio initium brevi dan- dum esset. Nihilominus Mendoza Caroli V. Legatus quæsito adversæ valetudinis obtentu Venetas reversus est, Pontificios tamen Legatos rogavit, ut ante redditum suum, quem promptissimum fore pollicebatur, Synodum non inchoarent; præsen- ferat enim, quod Imperator segnius Synodi celebrationem urgeret, cunctaque dif- ferret, atque in incerto relinqueret, veri- tus, ne Protestantes irritaret.

§. XCIV.

*Synodi initium per Papæ Deputatos
Cæsari propositum.*

Hæc Cæsaris tergiversatio haud levibus curis afficiebat Pontificem, quapro- pter ad eundem allegavit Hieronymum Dandinum Casertensem Episcopum, qui vel Synodum inchoari, vel ad tempus dif- ferri Carolo Cæsari proponeret, si vero neutrum eidem probaretur, saltem eun- dem ad Concilium in Italiam transferen- dum inclinaret: verum Cæsar nec Syno- di dilationem, nec illius translationem si- bi probari respondit, interea tamen pro- positis quibusdam obstaculis illius in-

Y 3

choa-

Sæcul. XVI.

A.C. 1545.

SÆCUL. XVI.
A.C. 1545.

choationem præpedire nitebatur; comitiorum enim, quæ ad proximum mensē Junium Ratisbonæ celebranda indixerat, successum præstolari cupiebat: tandem vero mense Octobri ad medium vergente consensit, ut Concilio initium daretur, dummodo nec de fidei articulis, nec de alio quoque argumento, quod Lutheri hæresin spectat, ibidem ageretur, sed unice de morum emendatione mentio fieret, verebatur enim Imperator, ne Protestantium animi magis exacerbarentur. Pono quamvis ejusmodi conditiones vel ide Pontificis iram provocarent, eo quod hac ratione viæ fere manus Lutheri fautoribus darentur, eorumque factio novis firmaretur incrementis, indignationi tamen suæ imperabat, suoque Nuntio in mandatis dabat, ut in Cæsaris obsequium sine ulteriori mora Synodus auspicaretur, cunctisque fidem daret, quod plena ibidem libertas omnibus concederetur, moreque solito cuncta peragerentur, quin de argumentorum ordine ulla fieret mentio, sive demum primo de disciplinæ emendatione initium daretur, sive præ ceteris aliis quæstionibus controversi dogmatum articuli discuterentur.

§. XCV.

Concilii inchoatio Pontificis diplomate die decima tertia Decembris indicta.

Pallav. l.c.

Die trigesima prima Octobris summu Pontifex ad suos Legatos diploma trans-